

perio erat Commodus, quem tamen pater genuerat & pius & Philosophus? In tantâ felicitate (de Sullâ Felice ita dicit Cicero pro Sext. Roscio Amerino) nemo potest esse in magnâ familiâ, qui neminem, neq; servum neq; libertum improbum habeat. Consultò forsan uxorem ejus præteriit, quia tum Athenis non declamabat, sed Romæ. Et econtrâ (lib. III. de LI. §. 24.) Quod est tam desperatum collegium, in quo nemo è decem sanâ mente sit? Nec ipse quoque illud diffitetur Hieronymus (epist. CLV. ad Paullam Urbicam) disciplinæ puellaris, domesticæ atque monasticæ severissimus aliàs exactor, *Saluta reliquum castitatis chorum, & domesticam tuam ecclesiam, cui omnia, etiam que tuta sunt, timeo, ne dormiente patrefamil. inimicus homo zizania superseminet: Quamvis enim dicere audeant, Ego civitas firma, civitas quæ non oppugnatur, Nullus hostili obsidente exercitu securus est; nemo, ut beatus Cyprianus ait, satis tutus periculo proximus.* Nempe idem timuit sanctus Pater, quod sanctus timebat Apostolus II. Cor. II. 3. Augustinus iterum etiam (epist. CLXII. ad Glorium & c.) Tolerat Aaron [multitudinem idolum exigentem & fabricantem & adorantem: Tolerat Moyses adversus Deum tot millia murmurantia & totiens offendentia sanctum nomen ejus: Tolerat David Saulem persecutorem suum, sceleratis moribus cœlestia deserentem, magicis artibus inferna quærentem, occisum vindicat, Christum etiam Domini propter sacramentum venerandæ unionis appellat: Tolerat Samuel nefandos filios Heli, perversos filios suos, quos populus, quia tolerare noluit divinâ veritate accusatus, divinâ severitate correptus est, tolerat denique ipsum populum superbum contemptorem Dei: Tolerat Esaias, in quostam multa vera crimina jaculatur: Tolerat Jeremias, à quibus tanta perpetitur: Tolerat Zacharias Phariseos & Scribas, quales illo tempore fuisse Scriptura testatur. Scio me multos prætermisisse: legant qui volunt, legant